

Dawoatn

Markus Josef Schlager-Weidinger

Dawoatn - hod, moan i,
a wos mitn Oita z´toan.
Je öda ma wird, umso
schnölla rennt de Zeit dahi.

Denk zruck wias kloan woarst!
Ois Kind is de Zeit grad
im Advent nur so dahigschlich.
Des hod se zaht bis Weihnochn!

Am Adventkalender is oan
viarkema ois mochat oana üba Nocht
de Tiarln wieda hoamli zua,
de ma nu grad erst aufgmocht hod.

Oi Tog hauma d´Muata gfrogt,
wia oft ma nu schlofn miaßn
bis Christkindl kummt.
Laung haum d´Finga ned greicht.

Vielleicht kinna ma im Advent
wieda a weng wiar d´Kinda wern.
Do und durt auhoitn und hibassn,
wos gscheng wird.

Gfreits eich an de kloan Sochn:
riachts aun an Tannenastl,
schauts in a Kerznliacht,
werds stü und gspiarts eich!

Des braucht koan großn Aufwaund,
wauns grad a poar Minuten san
dahoam mit de Kinda oda aloane
uman Adventkraunz umi.